

# OMUKWETU

Registered at the General Post Office as a Newspaper

## Evalo Lya EANGELOK Lya Ningi

Oshituthi shevalo lyEhanganotumo lyaanangeshefa aakriste mO-ngeleka ya ELOK (EANGELOK), osha ningilwe 22.6.1974 mOniipa. Aantu ye thike lwopo 500 ya zile momagongalo ogendji gOngeleka, oya li mo.

Ehwamo lyaakriste moshituthi shika olya iholola megundjilo lyawo pethimbo lyoshituthi shootundi 6 nomokugandja omaliko gawo kOmuwa. Ongalo yoshitimulongo shOmuwa ndjoka ya gandjwa manga eimbiloshituthi lya tate Matti Endjala tali kolongondjwa, oya gu R 95,33. Ongalo yomelongelokalunga R 88,18. Oshituthi osha li sha gongelele etumo R 957,72'e-siku ndyoka. Ehistoli lyEhangano ndika tala kepanja 4.

Elalakano lyokudhana oshituthi shevalo lyomimvo 10 dhehangano, osha fatululwa sha yela nawa moshikalimo shenedhila-dhilo lyoshituthi T A A G U L U K I L A K ' U M A K E D O - N I A U T U K W A T H E, kuamushanga gwehangano, omusitagongalo Matias Nghipandulua, sho a ti:

"Omwiithanenwa iinima iyali ayike; a) oku tu kwatha moshilonga shetu b) nokuhambelela pamwe natse Kalunga. Nondi shi shi omwi ilongekidha moshinima shika. Kalunga kee shi omugoyokithi a dhimbwe ando iilonga yeni iiwanawa."

Osho a hulitha oshipopiwa she.



A A K R I S T E      N I I T A      Y O K O O N G A M B A

Oraata yOongeleka dhomu S.A. (SACC) oya indila oongeleka dhi li iilyo mehangano ndyoka dhi tale nawa iilonga yaakwiita koongamba, tayi longwa "okugamenena po onkalathano yaa na uuyuuki noyokatongotongo."

Moshigongi shuukumwe woongeleka ndhika, omwa zi omadhiladhilo taga zimine kytya, oKalunga awike koonkondo dhe a mangulula Israel muupika waEgipiti noye tu uvitha mOmwana Jesus, kutya Oye Omumangululi gwoonkwatwa Luk.4:18.

Oshigongi shehangano ndika lyoongeleka 26, oshi itaala nokutya, omukriste okwiithanwa a lalakanene ombili yashili, ndjoka tayi adhika ashike muuyuuki wonkalathano. Naamboka taa landula Kristus, itaa itula melongitho lyoonkondo, ngele ya kale taye shi pulwa kepangelo.

Oongeleka dhi li iilyo odha dhimbuluthwa, kutya uuteologi waKatolika nowa-Reformi, otatu zimine ashike okulongitha omatati "miita iiyapuki." Miita mbika, uuteologi itau popile omuntu akomdjetagamene onkalo yaa na uuyuuki noyomatongolathano, ndjoka yi li mu S.A. notayi pendutha elongitho lyoonkondo maakondjelimanguluko.

Oshigongi osha ti, kutya osho uufudhime wowene okuyemqtela elongitho lyoonkondo lyaakondjelimanguluko, manga tse yene tatu gamene onkalathano ndjoka ya kankamekwa kelongitho lyoonkondo. Omahepeko ngoka taga ningilwa aaluudhe mu S.A. oge vule kokule ngoka ga ningilwa Oombulu pethimbo lyLita yotango niitiyali. Nongele tatu tala nokutya Kalunga okwa li a gama kuyo (oombulu) mekondjelomanguluko lyawo ndyoka lya li tali longitha ekuni, otatu kala aafudhime ngele otatu tindi nokutya osho shi li nomekondjo lyaaluudhe ngashingeyi.

Oongeleka dhi li iilyo mehangano odha indilwa koshigongi dhi kundathane naakwanegongalo, ku dhiladhilwe oshilonga sha Kristus okuhumbata omushigakano noku mu landula mokwiifaathanitha naahepekwa, ngele itashi gumu onkalo yetu. Noongeleka dhi li iilyo nodha tuma aasita yadho koongamba, dhi dhiladhilulule nodhi konakone eyakulo lyaasita mboka oyo pu kongwe ondjila yi inekelwa kutya ehungomwenyo lyawo otaye li longo palalakano lyomondjila.

Mboka yi ilongekidha okuya mondholongo molwokutamaneka oveta nomulandu gwaa na oshili muuyuuki moshilongo shika, oya tsuwa omukumo koshigongi ye shi ninge. Ihe ku ningwe wo omagalikano nomagalikaneno omolwaantu nepangelo mevi ndika ya lalakanene elunduluko ewanawa nomukalo gwombili, oyo iita nomadhipagathano yi yandwe. Osho ehokololo lya hulithwa. (Lwi)

=====

Oveta yaahongololi

Ou ta monika etimba oveta yokuhongaula ovanhu vaha ye moita, ota handukilwa nofuto R 10,000 ile eedula 10 modolongo ile aishe kumwe. Oveta ei otai konakonwa nhumbi tai ka longifwa. Osha hololwa koministeli yeameno loshilongo omushamene P.W.Rotha moshooongalele sheeveta muKaapstad. Sho shika osha tengerakwa kutya ngiika osha penduthwa komadhiladhilo goshigongi shOongeleka dha hangana mu S.A. (SACC)

Shono tashi dhimbululwa muuyuni auhe kombinga yongeleka, osho shoka kutya inaku dhigininwa we euviitho lyevangeli. Ngiika oongeleka odha hala oku uvitha evangeli nomukalo omupu. Onke poompito dhimwe nomiinima yimwe okwa pumbiwa pu katukwe onkatu ya kola.

Shika osha popiwa momanenedhiladhilo goshifo shEpangelo Die Suidwester 20/8/74. Oshipopiwa nomatokolo goshigongi shoongeleka, oga tamanekwa noonkondo koministeli yotango ya S.A. omusimanekwa J.Vorster.

*Handwritten signature*



OMADILADILO A KALUNGA KAE

SHIIVIKE KOUNYUNI

Ohatu popi ounongo mokati kaava va wana, ndelene haunongo wefimbo lounyuni ou nowovapangeli vefimbol lounyuni ou, ava tava xulu po. Ohatu popi ounongo wa-Kalunga wa li wa holekwa, ou Kalunga eu ufa nale omafimbo enya manga ounyuni uha li ko..... 1Kor. 2:6-16

=====

Mongeleka yotetetete omwa li mwa shiivika eenghedi dopavali dehongo. Onghedi yotete oyokuhonga ovanhu pamukalo weudifo (kerugma). Mehongo eli omu na osho sha talika kashi fi shomuhongi mwene, ile shomuhokololi, ndele etumwalaka la dja kohamba, kali shi kukondwa.

Onghedi onhivali oyokuhonga mofikola (didakhee). Eshi osha kwatelela mo efa-tululo lomadiladilo neyelifo loinima ei tai tongwa. Pamwe eshi oshi shii yo okutalika ongonghatu onhivali, eshi omunhu a shiivifwa monghatu yotete.

Motekisti Paulus ota popi Jesus Kristus omuvalelwa komushiakano. Eshi osho efina lehongo lopakriste. Oshinima eshi oshi na natango okuyelifwa pamadiladilo nopainingwanima yasho.

Eyelifilo eli otali ningilwa ovo va talika ova kula (teleioi) Ov. 6 Oshitya okukula" ohashi talelwa mekulo lolutu, ile lomufika. Paulus apa ote shi eta a diladila ekulo leendunge ile lomhepo yomupwilikini.

Ota ti kutya, ye kuovo opo ve uya mO-ngeleka, ota popi ashike manga efina lo-ukriste, ndelene ovanhu ava ngeenge va kulu meendunge davo ile momhepo yeitave-lo, otava pewa nee ehongo tali fatulula oinima yomokule. 1Kor. 3:1

Ehongo lomokule otali lalakanene okuudifa ko oiholekwa ya popiwa movelise 7.

"Ohatu popi ounongo waKalunga wa li wa holekwa." Osha sha tiwa. Oshitya eshi "oshiholekwa" pashigreka otashi ti, osha sha holekwa eendunge davamwepo ovo ve li kokule nasho, ndele sha yelela ovo she va pamba. Paulus okwa hala okutya, oshiholekwa eshi kuovo va yandje nale eendunge davo kuKalunga, ovo tave shi udu ko. Omadiladilo aa okwe a yelifa noitya tai shikula:

"Ndele fye okwe shi tu hololela nOmhepo yaye." Ov.10

Eudeko lomunhu a ude ko, ile a tambule

eendunge ile a ude ko oiholekwa yomu-Kalunga, inashi shitilwa momunhu, osho omaano, oshalinghenda yaKalunga ya etelelwa mounyuni keuyo laKristus.

Ohokwe yomuhongwa nelalakano laye lokushiiva sha shipe, oyo hai mu tambulifa ounongo ou ta pewa komuhongi waye.

Osho yo fye ovakriste apa pe fike elalakano letu tu ude ko oukriste ile tu kule muo, opo yo pe fike oshali shaKalunga teshi tu pe tu ude ko ounongo waye uholekwa.

Kalunga oye e li omuhongi wetu nOmhepo yaye Iyapuki. Omunhu olyelye ta shiiva eshi shi li momunhu. Paulus ta pula ngaha. Nenyamakulo, kaku na ou ta shiiva sha shomomunhu mukwao, kakele komhepo oyo i li muye. Hano fye yo ngeenge twa hala kushiiva osho shi li muKalunga, tu lihonge ounongo wa Kalunga, oiholekwa yaye, tu na tete okukwatafana nOmhepo yaye. Oyo tai tu hongo ei aishe. Ov.11.

Kaku na ou e li moluhepo ile e na omupya ina yeulukilwa komhito yokuvandamena momalimba aKalunga opo a shiive osho sha pungulwa kuKalunga. Fye atushe otu na omhito ei, omolwOmhepo Iyapuki ei ya tililwa notai tililwa ovaitaveli aveshe.

Ngeenge otwa itavela nokutya Omhepo ei oyo ye tu kufa moupaani ye tu eta momambo, oyo ye tu diininifa natango moinima yopakriste, oyo tai tu pe ohokwe tu hokwe oukriste, ohatu shi itavele yo nokutya ehovelo ola ningwa mufye, okufikifwa meshiivo loiholekwa yomuKalunga.

Ekulo lomeitavelo eli, otali kanghamekwa kehepaululo letu kutya: "Kaku na vali omukwao muye mu na exupifo, OMU KRISTUS AMUKE TI! Iil. 4:14

Omunhu wopanyuni iha tambula osho shOmhepo yaKalunga, ohe shi tale nokutya oulai. Ov.14



EHANGAN O LYA ANANANGESHEFA AA =

KRISTE OLYA VALWA UNAKE

Eyamukulo kepulo ndika, olya gandjwa komuyevangeliste gwOngerki ngoka e li wo omuhungimwenyo gwiilyo yehangano ndika, tate Efraim Angula. Moshinyolwa she oshile Ehangano ndika okwe li ndjokonona ngeyi:

Ehangano ndika olyo omwana gwEhangano tumo lyaanangeshefa aakriste yomuSoomi. Aanangeshefa oya li ya penduthwa komauvitho gomuhongi Frans Hannula ngoka ge e-tele muSoomi epapudhuko enene. Omuhongi Hannula okwa tseyika wo muka mOwambo, gumwe gwaatumwa mboka ya longithwa mokati ketu kOmuwa. Omauvitho ge oga pendutha Aawambo oyendji.

Mpeyak muSoomi aanangeshefa mboka ya papudhuka noya ningi ooitaali, oya tameke ehangan o lyawo omumvo 1920. Oshilonga shehangano tumo lyaanangeshefa Aasoomi osha uthwa ngeyi:

Oku uvithila aanangeshefa Aasoomi evangeli lyaKristus Jesus noku ya fala meitaalo okwiitaala Jesus ya vule okutaandilitha oshilonga shaKristus nokulonga oshilonga shetumo nokugongelela etumo iimaliwa.

Omumvo 1963, omusita gwaanangeshefa Aasoomi, Matti Koponen okwa talelepo Ongerki onkwaevangeli paLuther yomOwambokavango, Okwa hiya aanangeshefa Aawambo ya gongale moshigongi, moka e ya uvithile evangeli lyaJesus nokwe ya ulukile Kristus te ya tegelele ye mu longele moshilonga shawo shokungeshefa, oshoka Ongeleka ndjika oya uvithilwa komuhongi Hannula ngoka moshilonga she mwa zi ehanganotumo lyaanangeshefa Aasoomi.

Esiku eti 22 lyaJuni 1964, oshigongi shaanangeshefa Aawambo osha gongala okukundathana ehanganotumo lyaanangeshefa pegumbo lyomutumwa Aarne Hartikainen (pegumbo lyomukuluntu gwOshinyanyangidho ngashingeyi). Omuhongi Arvo Eirola a hogololwa a ninge omunashipundi gwoshigongi naLeonard Mukwiilongo a hogololwa amushanga. Komeho omusamane Mukwiilongo a hogololwa omunashipundi shehangano naMatias Nghipandulua a hogololelwa uuhamushanga, moka ayehe mbaka ye li mo sigo onena.

Moshigongi omwa tokolwa edhina lyehanganotumo li kale: EHANGANOTUMO LYAANANGESHEFA AAWAMBO YONGELEKA ONKWAEVANGELI PALUTHER YOMOWAMBOKAVANGO (EANGELOK) Ehangano lya uthwa li kale ngeyi: Okuuvithila aanangeshefa Aawambo Jesus Omukulili gwawo, oshilonga shetumo shi longwe mokati kaanangeshefa nokulonga oshilonga shetumo mokati kaapagani nevangeli lyaJesus li faalelwe kAawambo yomehalakano mUushimba. Omweevangeliste gwOngerki a pewa oshimpwiyu evangeli lyaJesus li faalelwe mokati kaanangeshefa Aawambo.

Iimaliwa yehanganotumo ndika otayi zi mokugandja kwa manguluka nomoongalo nomoo-futo dhuukwashilyo. Omwaalu gwiilyo yehanganotumo gwa indjipala mbala sigo gwa adha 54.

Esiku eti 16 lyaJanuali 1967, Ehangano tumo lyaanangeshefa Aawambo olya tokola okukonga epya lyetumo, moka tali vulu okulonga oshilongatumo mokati kaapagani. Opwa dhiladhilwa oku uka kuuninginino kEtoto. Oshihauto shomusamane L.Mukwiilongo shu udha aanangeshefa niinima yokugandja omagano kaapagani, shu uka uuninginino sigo omEtoto moka aanangeshefa sho ya thiki mo, oya dhimbulula nani Ongeleka yOombulu oya adhika ya tameke oshilongatumo mpeyaka. Aanangeshefa oya galuka nokugalikana Omuwa e ya ulukile mpoka taa vulu okulonga oshilongatumo.

Oya adhika ya nyolele Epangelongeleka li ya pe omwevangeliste ngoka ta vulu okulonga mokati kaapagani medhina lyawo, yo ya fute ondjambi ye. Epangelongeleka olya fanekela ehanganotumo li tameke oshilonga mokati kAayeleele, mEko ka kuKongo. Lyo li taambe omwevangeliste Timoteus Jakob, a longwe oshilongatumo medhina lyaanangeshefa aakriste Aawambo. Efaneko ndika Ehangano tumo lyaanangeshefa oye li tala olyo eyamakulo lyaKalunga komaindilo gawo ya pewe mpoka taa vulu okulonga oshilongatumo. Ehangano tumo olya tokola okulonga oshilongatumo mokati kAayeleele moka tali longo sigo ongashingeyi. (Tala ke pandja lya landula)



Mboka ye li mehanganotumo oya dhimbulula shoka sha dhimbululwa olwindji kooi-taali kutya ngoka ta longo oshilonga shetumo, ota yambekwa kOmuwa.

Ehanganotumo lyaanangeshefa aakriste yomOwambo, oli na ombandi ndjoka tayi zalwa kiilyo yehangano ndika. Mombandi otamu dhimbululwa shoka Ehanganotumo lya mono. Okuza pevi otamu monika otshange, tayi faneke okulonga nuudhiginini opo oshilonga shuunangeshefa shi hume komeho. Kombanda yotshange oku na oshiyaha moka tamu tililwa sha tashi zi pombanda. Shika osho yambeko, Ombepe Ondjapuki tayi tililwa manganangeshefa. Uyelele womagano gOmbepe otamu monika wo tau taandele koombinga noombinga.

Ehangano ndika oli na egalikano lyuukumwe ndyoka hali galikanwa kiilyo yEhangano ngele taa egulula oongeshefa dhawo. Otali ti.

"Tate megulu omuholike, otandi ku hambelele ngoye sho wa ningi ndje omunangeshefa, opo ndi yakule oshigwana shandje. Kwatha ndje omwenyo gu na eidhidhimiko opo ndi dhiginine uunangeshefa wandje. Ndi yakule shili ooyakwetu ngaye ndaa konge esimano lyandje mwene. Ihe ndi ku simanekithe. Okesilohonda lyoye, tate, wa pe ndje ayihe omagano. Kwatha ndje wo oondunge dhokulongitha shoka we shi pe ndje, opo ndi longe pahalo lyOmumwoye Jesus Kristus, ngoka a si molwandje, ndi hupithwe. Kwatha ndje ndaa vulwe moshilonga shandje, ihe ndi longe aluhe nenyanyu lyaa na ekoto nuuwinayi.

"Ombepe yoye Ondjapuki nayi kale omuwiliki gwandje miilonga yandje, opo ndi dhimbulule ehala lyoye olinipo. Nopo ndi egulule shaasiku ongeshefa yandje no-shipala sha yela, ndi na ontalanteni neifupipiko kumboka ndi na oku ya yakula. Uva egalikano lyandje omolwOmumwoye Jesus Kristus. Amen."

Ehistoli ndika tate Angula okwe li hulitha nohapu ndika dha ti:

Olye ando a hala okudhina omatameko omashona, omeho ngeyaka gaheyali gOmuwa haga lengalenga evi alihe, ngele taga nyanyukilwa efanekongodhi li li moshikaha sha-Serubbabel (Kristus) Sak. 4:10

+++++

#### ONGELEKA YAKATOLIKA YA TSAKANITHA OMIMVO 50 MOWAMBO

Eti 15 lyaAguste 1974 osha li esiku lye-gwanitho lyomimvo 50 Ongeleka yEtumo lyaKatolika kaRoma sho lya tamekwa mOwambo. Ngashi sha ningwa kOmatumo agehe, osho sha li wo nopetameko lyEtumo ndika, kutya omaudhigu oga imbi oshilonga shi taandele neulumo.

Iinima yimwe tatu ke yi tumbula mpaka, otwe yi kutka mOshifo shOngeleka ndjika.

Okuza 15.8.1924 ohatu yalula etameko lye gongalo eKatolika mOwambo nolyegongalo lyaTshikuku. Omumvo 1865 egongalo lyaatumwa yOmbepe Ondjapuki (haa longo sigo onena mOmbandja nomOputu) olya tumwa komupapa ya ku uvithe Kristus miilongo ayihe yuunininginino waAfrika okuza Mauritania sigo koongamba dha Suid-Afrika

Okuza Angola pater Karolus Viktor Duparquet okwe ya sigo Omaruru mpo a dhike 1879. He okwa talele po Owambo 25.8.1879 pomukwaniilwa Mweshipandeka mUukwanyama. Omumvo 1880 okwa ya ishewe kUu-

kwambi, a talele po Negumbo mwene gwOmbandja. MObandja omwa kala nale aatumwa Aasoomi, ihe oya zi po sho ya hindwa kuNegumbo. Negumbo okwa gandja ehala Etumo lyaKatolika li vule okutunga.

Omumvo 1883 Etumo lyaKatolika olya tameke oshilonga mUukwanyama popepi nuuwa womukwaniilwa Nampadhi. Ihe peso lyaNampadhi ngoka a landulwa kuWeyulu, yina yaWeyulu okwa dhipagitha aatumwa omuvo 1885 momukunda Okutaku. Oyo ya li aahokololambinzi yEtumo lyaKatolika yotango mOwambo.

Omumvo 1902 aakriste aayevangeli oya tameke iilonga yetumo mOngandjera, ihe tse twa indikwa kepangelo okuya ko. Oveta yaAandowishi ndjoka ya li po ethimbo ndiyaka, inayi pitika we Aakatolika ya ye kOwambo. Onkene twa yi koKavango. Epitikilo olya monika muMai 1924 tu

(Kepandja 6)



Dha za kopardja 5

tameke mUuninginino. Uukwambi nOngandjera oya li mehogololo. Konima osha lundululwa nosha ningi Uukwambi nOmbalantu. Aatumwa Pater Schulte Komakende na pater Otto Fuhrmann oye ya komukwaniilwa Ipumbu ya kundathane. Omusamane gumwe lipinge, ngu a li a tumwa kuIpumbu okwa thindikile pata Schulte momuti omunene gwa li popepi nombala. Ihe Ipumbu okwa tumu omumati e ye e ya lombwele ya ze mo ya ye komuti gu li kokule.

Ongulohi, pata Schulte okwa ithanwa nombala noya kundathana nIipumbu. Omukwaniilwa okwa li a hala okutseya oopater ngele Aandowishi nenga Aaingilisa. Okwe mu laleke po a fa ine mu inekela nawa. Eti 6 lyaAguste omukwaniilwa okwi ithana ishewe pata kombala manga ya gongala nomalenga 6, kehe elenga okondjembo. Konima sho ye mu pula iihuna, oye mu laleke manga taa kundathana nomalenga.

Omukwaniilwa okwe ya ta ti: Oto vulu okutunga mUukwambi, ihe opuElim nenge popepi nombala. Omahala agehe gaali inaga opalela pata, unene puElim opwa li nokuli etumo lyEvangeli, ihe ina hala wo popepi nombala. Ihe pata okwa nyanyukwa nga sho ya pitikilwa okutunga. Osho a shuna mondjila a ka tsakaneka pata Fuhrmann ngoka kwa li ina thika natango netemba enene. Okwe mu adha pOlukonda mOndonga. Omukwaniilwa Martin okwe mu dhipagele ongombe, oshoka oya li ya sa ondjala unene.

Natango omukwaniilwa Ipumbu okwe ya oku ya tsakaneka nokutala etemba nuukambe noondoongi. Okwa lombwele pata a ti: Ngashingeyi, ngame okuume koye, otandi ke ku kwathela mokutunga notandi ka tuma aanona kosikola. Pokuumbaganeno oya adha po omithima 15 naantu taa hugile iimuna yawo. Mokati kaantu, oya mono gumwe e na orusario mothingo, oye Saba Katambo, omukriste Omukatolika ngoka a shashwa nale kuTsumeb. Okwa ithana wo aakriste yaali natango nomukatekumeni gumwe edhina lye Tshikarepo. Oya tala ehala ewanawa noye li hogolola okutungila.

Omukwaniilwa okwe shi zimine nombili nokwa lombwele aantu ya ka kwathe oopata okuka omiti nokumwa omwiidhi. Eti 15.8. omukwaniilwa okwe ya nomalenga ogendji nopamwe napata Schulte oye ende nehala alihe lyaTshikuku, konima sho ya shanga ombilive yeuvathano lyokugandja ehala kOngeleka yaKatolika. Omukwaniilwa okwa ti wo: Otamu vulu okutunga shaampoka wa hala mUukwambi, oshoka ngoye okuume kandje. Okuza kesiku ndika 15.8.1924 ohatu yalula etameko lyOngeleka yaKatolika negongalo lyaTshikuku.

Petameko 1934 omumbisofi Josef Gotthardt okwa tokola pu dhikwe egongalo lyoosesta aaluudhe mOtshikuku. Olya tameke eti 6 Januari 1934. Komeho olya tande kOkatana, kuAnamulenge, koKavango nomUushimba. Momumvo 1950 oshipangelo shaTshikuku osha mono oondohotola yaali; dr. Agnes Thissen na dr. Elisabet. Oshipangelo osha tameke okukoka naavu oyendji oye ya. Oondohotola mbaka oya kala sigo 1961, opo kwe ya ishewe aape.

Momumvo 1969 osikola yutekuligumbo oya dhikwa natango moTshikuku, esiku lyotango lyaMai, moka aagundjuka haa longo iilonga yi ili noyi ili mbyoka tayi ya longekidhile oku ka lela omagumbo methimbo lyonena.

Ehokololo olya hulitha tali ti, kutya etaandelo lyegongalo otali monika wo mowaalu gwoonakushashwa. Omumvo 1930 opwa li aashashwa 263, omumvo 1940 opwa li 1057, omumvo 1950 opwa li 2338, omumvo 1960 opwa li 6352, omumvo 1970 opwa li 13085 na omumvo 1974-16,109. Epulo edhigu:

Ihe mokati kawo omu na yangapi mboka ye li sigo onena aakriste yashili? Kalunga awike ta tseya, osho ehokololo lyi iyamukula. Oyendji otaa ithanwa aakriste, oshoka oya shashelwe, ihe ihqa ende we ondjila yaKristus. Oyendji otaa itala yoyene ongaakriste, ihe oya sa uunye nenge oya punduka momaudhigu gomondjila yuukriste. Ehokololo olya ti, aantu mbaka oya pumbwa aasita aawanawa oku ya kumagidha noku ya pukulula ngashi aatumwa yotango ya ningi. Okwa pumbiwa unene aasita taa zi moshigwana shOwambo. Ihe omukriste kehe na dhimbulukwe nokutya ye oku na okulonga omolwehupitho lyomukwawo.



U U W E H A M E W A K A M A T I M O N D H O L O N G O

Thomas Kamati (22) oshilyo ahengundu yaSWAPO, okwa tseyika nawa momambo gaapolosi ya S.A. okuza 1971. Okuza kethimbo ndyoka, okukalamwenyo kwe olwindji omondholongo ashike sigo mundjika a hugunine muyo. Ndjika ote yi hokolola ngeyi:

Eti 31 Januari 1974 manga ndi li pOdiho, onda kwatwa po komukuluntu gwaapolosi T.W.Thomasse, aniwa paveta yuuterolesa. Onda etwa mOvenduka moka nda pulagulwa. Okuza mpoka onda kala handi edhililwa muondholongo wi ili nowi ili sigo eti 11 Juli.

Siku ndi li mOvenduka, siku kuDordabis, kOshiwakopo nenge mOkahandja. Okuza Febuluali onda kala awike ti, sigo Juli 11. Inandi pitikwa ndi pitete mo, shila okathimbo kamwe akeke. MOvenduka onda kala mokandjugo okane ne kashona 4,2m x 4,2m komakende 2, ihaaga eta uyelele.

Oomwedhi mbali netata, ohandi pewa ashike uupambu uyali womboloto nepungu ongula nongulohi. Inandi ziminwa ndi ninge edhewo lyolutu, inandi ziminwa ndi leshe sha, nOmbimbeli okuninga nde yi pula. Ihandi talelwapo nando nda kala handi pula aakwanezimo lyandje.

Mokandjugo kamu na othewa yokwiyogitha, kamu na oshipundi, kamu na ombete Ohandi lala poshiyala nopuukumbatha wowala.

Aapolosi oya lombwele ndje nokutya o-yono lyandje edhigu noonkondo, ihe inandi ipula nasho, oshoka onda li ndi shi shi inandi yona sha. Ongula ohandi kuutumba ihe ndi tale omadhiladhilo gandje ngele otaga longo natango. Ohandi endulula uutewo womosikola, o-miyalu, tandi imbi uuimbilo nosho tuu

Konima yiiwike iyali onda dhimbulula nkene ite vulu we okwiipangela nawa momadhiladhilo. Ihe dhimbulukwa we nawa. MuDordabis moka nda kala sigo 11 Mai, mokandjugo ohandi pitithwa mo lumwe aluke moshiwike. Kamu na omeya gopomba, shila omoshihemele nomokakana okunwa nokwiyogela. Kamu na olamba nenge oonte dhetango.

Pomathimbo gamwe onda kwatwa kuutalala nokomukolo. Mangestrata ohe ya nga ta pendje oopela. MuDordabis omo nda zimine nokutya eyono lyandje nglika edhigu shili. Ondi itaala nokutya nglika otandi ka tumwa ashike kontuntu yaRobben noitandi ka mona we aakwanezimo lyandje nookuume.

Onda dhiladhila oshinima shika, sigo kandi na we eipangelo musho. Onda dhiladhila ekondjo lyetu lyuupolotika netumbulo ndika "One nation, one Namibia" =(Oshigwana shimwe naNamibia

limwe.) Omasiku gamwe ohandi londokwa koomposi nohandi dhiladhila ihe ndaa na eipangelo. Esiku limwe muApilili sho nda londokwa ngeyi, onda haluka owala te popi aniwa nayakwetu. Ondu uvite naanaa omawigawo, ihe kandi ya lwete. Kutya otwa kala ishewe nayo ethimbo li thike peni kandi shi oku shi hokolola. Olwindji osho nda kala ndu uvite ndi li muukwangundu ngeyi.

Esiku limwe sho pwa holoka ishewe pungame sha sha fa ongundu yaSWAPO tayi popitha ndje, onda kutha olusindolwandje nonda kwala malwo mekuma etumbulo "One Namibia, one nation." Osha li nglika muMai koongulasha. Kutya omolwashike tii shi ningi, kandi shi shi.

Natango pethimbo ndika lyaMai onda dhimbulula ngele onda leshe sha, ngele tandi ishununamo mushoka nda leshe, ohe kala nda fa inandi shi leshe nkene nda valwa. Sho nda pewa Ombimbeli mOshiwakopo, onda mono ngeyi uudhigu moku yi leshe, oshoka kandi yi uvite ko we, omadhiladhilo itaga landula. Onda mono omahepeko ogendji momakwato gandje ogendji nonda vulu nga oku ga humbata, ihe inandi tsakamekwa shito koshipanga shuuwike womondholongo ngaashono nda kala musho konyala oomwedhi hamano. - Lya fupipikwa-

(The Star 30/7/74)

=====

Thomas Kamati sho a zi mekwato lyoveta yuuterolesa, okwa tulwa natango mepangulo omolwokunyola mekuma lyondholongo. Epangulo okwa li e li tegelele pondje, ihe o ma okwiilopota kombelewa yaapolosi esiku kehe. Omasiku ngaka okwa dhimbululwa ina holoka kombelewa, naasho a konga, okwa tengenekwa, okwa fadhuka po a yi kuZambia. Kamati oye wo nakudhengwa nomapokolo nokwa falele oshipotha shoka mohofa naawilikinge leka.



O O S E S T A V A P U M B I W A N E U L U M O

Oshipangelo shaDibo shetumo laAnglikani, osha pumbwa eesesta di li mbali. Ngeno va kale ve na odjapo youdalifi.

- Ondjabi otai monika pamufika weendjabi depangelo
- Onhele otai monika oshali, okukala mo
- Otapa kala hapa monika efudo leehani 6 kodula

Ou u na eifano eli, shangela kondjukifi ei:

The Matron  
St. May's Mission Hospital  
P.O. Oshikango 9276

=====

Onhele Yomutopatopi

Otu na onhele yomutopatopi a pumbiwa mOdibo. Ngeno na kale e na odjapo y<sup>o</sup>standa 8, okakadona.

- Onhele yokukala kwaye opo i li
- Ondjabi otai udafanwa mokushakena

Limonena hano oilonga ei iwa, ove u shangele ku:

Hamushanga wOshipangelo  
P.O. Oshikango 9270

+++++++

Ekwafo lovamati moshiwana

Meni leengaba deongalo lOhalushu omu na eetelefona (eengodi dokupopya) nhatu. Yeongalo oya tamekwa kovamati veongalo, hava longo ku C.D.M. Oi li molupale leongalo. Eenomola dado:

Yeongalo N.1103  
Ondehaluka: K.Nauyoma N.1111  
P.Lumbu N.1114

Eendjila oda xupipikwa nawa eshi keembinga neembinga mOwambo nomOushimba mwa kambakanekwa oyeendelelifo.

Ovamati vetu hongaiweni kukeshe tuu osho tashi yakula edu letu.

(§. Ndatipo)

---

O M U K W E T U

Oye oshifo shOngerki onkwaevangeli pa-Luther yomOwambokavango. Ohashi nyanya-ngidhwa mOniipa. Omukuluntu gwOshifo dr. L.Auala Amushanga gweshifo Rev. S. Ekandjo.

Ondando yoshifo komumvo muSuidwes nomu-Afrika alihe R 1,00 kombanda yomafuta R 2,00.

Ondando nomambesitelo naga tuminwe kOmukwetu, Oniipa P/B. 2013, Ondangwa

Omatsayitho agehe ngoka ge na sha niilonga yomuntu mwene ohaga futilwa kumwene gwago.

---

Owambokavango Church Press  
Private Bag 2013, Ondangwa 9270, SWA

+#####+